

یوہ آکا شوانی جموں ہے ظفر اقبال تے نصرت تیں خبر سُنو۔

HEADLINES

- ۱۔ صدر جمہوریہ محترمہ درویدی مرمو نے کہیو کڈیاں گی تعلیم قوم غی ترقی واسطے بہتر سرمایہ کاری ہے۔
- ۲۔ وزیر اعلیٰ عمر عبداللہ نے متاثری علاقہ مانہہ فوری طور ور بنیادی سہولیات غی بحال ور زور دتو۔
- ۳۔ صدر جمہوریہ محترمہ مرمو وزیر اعظم مودی تے لیفٹیننٹ گورنر منوج سنہا نے میلادبئی غا موقع ور مبارک باد دتی۔
- ۴۔ محکمہ موسمیات نے اج کئی مقامات ور گرج چمک غ نال درمیانہ درجہ غی بارش بارے پیش گوئی کی ہے۔
- ۵۔ مرکزی وزیر ڈاکٹر جتندر سنگھ نے کہیو کہ جموں کشمیر نانہہ مشن موسم غے تہت چار نوارڈار ملین غا۔

PRESIDENT MURMU

صدر جمہوریہ درویدی مرمو نے کہیو ہے جے بیتایاں نانہہ بہتر تعلیم فراہم کرنو کواتین غی زیر قیادت تری نانہہ فروغ دینگو سب توں موثر طریقہ ہے اج نوی دہلی مانہہ قومی اساتذہ اعزاز 2025 پیش کرن توں بعد اجتماع سنگ خطاب کرتا واں صدر جمہوریہ نے اس گل ور زور دتو جے بچیاں غیتعلیم نانہہ سب توں زیادہ ترجیح دتی جانی چاہیے انہاں نے مزید کہیو جے بچیاں غی تعلیم مانہہ سرمایہ کاری خاندانان معاشرہ تے قوم غی ترقی مانہہ انمول شراکت ہے صدر جمہوریہ نے اس گل ور خوشی گو اظہار کیو جے حالیہ برساں مانہہ اعلیٰ تعلیم مانہہ بچیاں غی مجموعی اندراج گا تناسب مانہہ نمایاں اضافہ ہووے صدر نے مزید کہیو جے تعلیم افراد نانہہ بالاختیار بناوے تے کمزور ترین پس منظر غا بچاں نانہہ قابل ذکر ترقی حاصل کرن غے قابل بناوے انہاں نے کہیو کہ کوارک لباس تے رہائش غی طرح تعلیم وی انسان غا وقار تے سلامتی واسطے ضروری ہے صدر جمہوریہ نے کہیو جے قومی تعلیمی پالیسی 2020 اسکول غی سطح ور تعلیم نانہہ مزید قابل رسائی تے ہموار بنان ور خصوصی زور دے۔

TEACHERS DAY

وزیر تعلیم سکینہ اتو نے اساتذہ تہاڑا غا موقع ور اساتذہ کمیونٹی نانہہ اپنی طرفوں مبارک باد پیش کی ہے جہڑو کہ 5 ستمبر نانہہ بھارت گا دوجا صدر تے ایک معزز فلسفی تے ماہر تعلیم ڈاکٹر سرواپلی رادھا کرشن غا یوم پیدائش غا اعزاز واسطے پورا ملک مانہہ منایو جے اپنا ایک پیغام مانہہ وزیر نے تمام اساتذہ غو تہ دل سنگ شکریو ادا کیو جہرا معاشرہ مانہہ حقیقی مثل راہ ہیں وزیر تعلیم نے مزید کہیو جے اساتذہ قوم غا معیار وین جہرا مارا بچاں نانہہ علم اقدار اور تحریک غے سنگ رہنمائی کریں انہاں نے کہیو جے اساتذہ گا مسلسل تعاون توں جموں کشمیر گا نوجوان بہترین کارکردگی غو مظاہر و کریں تے ماری قوم نانہہ مزید بلندیاں تک لے جین گا۔

CM FLOODS

جموں کشمیر غا وزیر اعلیٰ عمر عبداللہ نے اج وادی مانہہ سیلاب غی صورتحال غے پیش نظر خطرناک مقامات نانہہ مزید تقویت دین سیلاب زدہ دیہاتوں توں لوکاں نانہہ کڈن تے 24 گنتہ نگرانی کرنی پدایات دتی ہیں سیلاب توں بعد غا منظر نامہ ور ات ایک اجلاس غی صدارت کرتا واں وزیر اعلیٰ عمر عبداللہ نے سیلاب زدہ علاقہ مانہہ بجلی پانی غی فراہمی تے سڑکاں غا رابطہ سمیت ضروری خدمات غی فوری بحالی غی وی پدایات دتہیں وزیر اعلیٰ نے اج سویرے سیلاب غا منظر ور ایک میٹنگ وی صدارت کی تے حساس مقامات نانہہ مزید تقویت دین سیلاب زدہ دیہاتوں توں لوکاں نانہہ بارکڈن کنٹرول کمرہ غے ذریعے 24 گنتہ نگرانی تے متاثرہ علاقہ غو بار بار دورو کرن غی وی پدایات دتی ہیں۔

JAMMU RAJOURI ROAD

راجوری غا مُراد پُور علاقہ مانہہ پاری بارش تیں بعد مٹی کھسکن غی وجہ تیں جموں راجوری پونچھ آلی سڑک ور ٹریفک بند کردتو گیو ہے راجوری غا ایس ایچ او آبد شاہ نے دسیو کہ کسی وی قسم غا حادثہ تیں بچن واسطے شاہراہ نانہہ احتیاطی طور ور بند کیو گیو ہے انہاں نے عوام تیں اپیل کی ہے کہ موسم بہتر ہون توڑی حساس علاقہ تیں دور ریں۔

EID

صدر جمہوریہ درویدی مرمو تے وزیر اعظم نریندر مودی نے عید میلہ گا موقع ور قومنانہہ مبارک باد پیش کی ہے ایک سماجی میڈیا ور صدر جمہوریہ محترمہ مرمو تے تمام ہم وطنان بلخصوص مسلم عوام نانہہ دلی نیک خواہشات غو اظہار کی وے انہاں نے روشنی کہلتا واں کہیو کہ پیغمبر اسلام نے انسانیت نانہہ اتہاد تے خدمت غو پیغام دتو ہے صدر جمہوریہ نے مزید کہیو جے عوام نانہہ اس مقدس موقع ور ان غی تعلیمات توں تحریک حاصل کرتا واں بھائی چاری غا جذبہ سنگ آگے بدن غو عزم کرنو چاہیے دریں اثنا وزیر اعظم نریندر مودی نیوی ایک سوشل میڈیا پوسٹ مانہہ اُمید ظاہر کی ہے کہ یوہ دن معاشرہ مانہہ امن تے بھائی چارہ لاوے۔ جناب مودی نے یوہ وی کہیو جے ہمدردی خدمت تے انصاف کی قدر ہمینہ ہر ایک غی رہنمائی کرے جموں کشمیر غا لیفٹیننٹ گورنر منوج سنہا نے وی عید میلاد غا موقع ور لوکاں نانہہ مبارک باد پیش کی ہے جناب سنہا نے کہیو جے حضرت ﷺ غی دتی گئی تعلیمات توں سب نانہہ سبق لینو چاہیے ٹویٹر ور ایل جی موصوف غا دفتر نے لکھیو جے پیغمبر محمد ﷺ غی زندگی نسلان نانہہ ہمدردی، مہربانی تے بے لوثی غی طرف راغب کرے۔

J&K WEATHER

جموں کشمیر مانہہ محکمہ موسمیات نے اج کئی علاقہ مانہہ ہلکی تے گرج چمک غے نال درمیانہ درجہ غی بارش غی پیش گوئی کی ہے حکام نے حساس علاقہ مانہہ مٹی کھسکن اچانک سیلاب تے پتھر پین بارے آگاہ کی وے عوام نانہہ ہدایت دتی گئی ہے کہ پانی غا ذخائر تے غیر محفوظ ڈھانچہ تیں دور ریں جموں سرینگر قومی شاہراہ مسلسل اج چوتھے تہاڑے وی بند ہے جس وجہ تیں ترے ہزار گڈی پھسی وی ہیں تے مُغل سڑک کھول دتی گئی ہے تے وزارت داخلہ غی ایک مرکزی ٹیم جموں مانہہ ہے جہڑی حالیہ بارش تیں ہوا نقصان بارے جائیزو لے رہی ہے اونگا جموں تے کٹرا غے بشکار ریل خدمات پانی بھر جان غی وجہ تیں معطل کردتی گئی ہے۔

WEATHER RADARS

مرکزی وزیر ڈاکٹر جتندر سنگھ نے کہی و کہ جموں کشمیر ناہنہ مشن موسم غے تحت چار نوا موسم رڈار ملیں گا تانجے ضلع وار پیش گوئی تے ایمرجنسی الرٹ ناہنہ مضبوط کیو جاسکے۔ اکاشوانی غا نامہ نگار غے مطابق ڈاکٹر سنگھ نے دویزنل کمشنر جموں تے کئی ضلاع غا ڈپٹی کمشنراں غے نال میٹنگ مانہہ ہالیہ بارشاں بدل پتھن تے ٹانک سیلاب بارے امداد تے باز آباد کاری غی صورتحال بارے جائزو لیو۔ ڈاکٹر سنگھ نے دسیو کہ جموں کشمیر مانہہ پہلاں تیں ہی ترے رڈار لھاویں ہیں تے ہُن چار ہور لایا جیں گا تانجے موسم غی صبح نگرانی کی جاسکے اُنہاں نے محکمہ موسمیات ناہنہ ہدایت دتی کہ جموں کشمیر ہماچل پردیش، اُتراکھنڈ تے پنجاب واسطے ضلع وار پیش گوئی تے 24 گھنٹہ نگرانی کریں تانجے کسی وی قسم گا جاتی تے مالی نقصان تیں بچو جاسکے۔

JAL SHAKTI REASI

گزشتہ کئی دنن تیں جاری پاری بارشاں غے پیش نظر جل شکتی محکمہ نے ریاسی ضلع مانہ بڑا پیمانہ ور پانی غا معیار غی جانچ ور مہم شروع کی۔ یوہ قدم احتیاطی طور ور چایو گی وے تانجے پین گا پانی گا ذرائع مانہہ آلودگی غا بدھتا خدشات غے درمیان عوام غی صحت تے حفاظت ناہنہ یقینی بنایو جاسکے۔ انجنیئر تے زمینی سطح ور کم کرن آلی ٹیماں ناہنہ پھیچو گیو ہے تانجے قدرتی ذخائر تیں نمونہ اکٹھا کیا جاسکیں ان نمونہ ناہنہ لیبارٹری مانہہ جانچو جارہیو ہے جل شکتی محکمہ غا ایگزیکٹو انجنیئر نریس کمار گپتا نے یقین دہانی کرائی کہ محفوظ تے بلا رکاوت پانی غی فراہمی واسطے ہر ممکن قدم چایو جارہیو ہے۔

ARTO POONCH

حالیہ افسوس ناک حادثہ مانہہ کئی قیمتی جاناں گا ضائع ہون تیں بعد اے آر ٹی پونچھ بشارت حسین نے اج ایس کے پُل غے قریب ایک خصوصی آگاہی شروع کی اس مہم غو مقصد عوام خاص طور ور نوجوان والدین تے ذرائع ناہنہ آمدرفت قوانین غی پابندی تے ہیلمٹ لان غی اہمیت بارے بیدار کیو گیو اس دوران افسراں نے راہ گیراں تیں گل بات کی تے معلوماتی اچھتیار تقسیم کیو۔

GST KISHTWAR

حالیہ جی ایس ٹی اصلاحات جھڑی مرکزی حکومت نے کی ہے تاجراں تے کاروبارہ طبقہ واسطے بڑی راحت گو سبب بنن آلی ہے اس موقع ور کئی تاجراں نے حکومت غو شکریو ادا کرتاواں کہیو کہ اصلاحات ان واسطے بڑا فائدہ مند ثابت ویں غا اُنہاں نے حکومت گا بروقت فیصلہ ناہنہ دیوالی غو تحفو قرار دتو ہے۔

NEWS READ BY ZAFFAR IQBAL

NEWS READ BY NUSRAT

NEWS EDITOR YOGESH KUMAR SAGOTRA

SKILLED TARSEM

TECH ASST QUDRAT

DEO NUSRAT